

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PARLAMENTARNA KOMISIJA ODGOVORNA ZA REVIZIJU**

Broj: 04/1-02- 1965/20-2
Sarajevo, 30.11.2020. godine

PARLAMENT FEDERACIJE BOSNE I HERCEGOVINE

PREDSTAVNIČKI DOM
n/r gđin Mirsad Zaimović, predsjedavajući

DOM NARODA
n/r gđin Tomislav Martinović, predsjedavajući

**IZVJEŠTAJ PARLAMENTARNE KOMISIJE ODGOVORNE ZA REVIZIJU
O REVIZIJSKIM IZVJEŠTAJIMA
REVIDIRANIH SUBJEKATA I KORISNIKA BUDŽETA FEDERACIJE BOSNE I
HERCEGOVINE ZA 2019. GODINU**

Sarajevo, novembar 2020. godine

Na osnovu stava 1. Odluke o formiranju Parlamentarne komisije odgovorne za reviziju Predstavničkog doma i Doma naroda Parlamenta Federacije Bosne i Hercegovine, broj: 01-02-599,1328/20 („Službene novine Federacije BiH“, broj: 57/20) Komisija je razmatrala Izvještaje o reviziji finansijskih izvještaja korisnika Budžeta Federacije Bosne i Hercegovine za 2019. godinu, i Izvještaje o finansijskoj reviziji revidiranih subjekata, pripremila je zaključke i preporuke za parlamentarnu raspravu, i podnosi sljedeći:

IZVJEŠTAJ

U skladu sa članom 16. Zakona o reviziji institucija u FBiH Ured za reviziju institucija u FBiH (u daljnjem tekstu: Ured za reviziju) dostavio je do septembra 2020. godine Parlamentu Federacije BiH revizorske izvještaje dvadeset i pet korisnika Budžeta FBiH za 2019. godinu.

Komisija je zadužena da razmatra Javni izvještaj o reviziji Budžeta Federacije Bosne i Hercegovine, kao i izvještaje revizije o finansijskim izvještajima korisnika Budžeta Federacije Bosne i Hercegovine, te je u skladu sa članom 16. Poslovnika o radu, pristupila 10.9.2020. godine proceduri pripreme i razmatranju pristiglih izvještaja o reviziji korisnika Budžeta FBiH za 2017., 2018. i 2019. godinu.

Komisija je na pripremnoj sjednici održanoj 10.9.2020. godine donijela zaključak da se prilikom javnih saslušanja revidiranih korisnika Budžeta izostave oni subjekti koji imaju pozitivno mišljenje, da se javna saslušanja obave po pristiglim izvještajima obavezne finansijske revizije korisnika Budžeta iz 2019. godinu i Javnih preduzeća, zavoda i fondova iz 2019. godine a da se u skorijoj budućnosti razmatraju prioritetni izvještaji revidiranih subjekata iz 2017. i 2018. godine na osnovu preporuke Ureda za reviziju institucija u FBiH.

Komisija je u svrhu izrade ovog izvještaja održala 5 sjednice (od toga 4 cjelodnevne sjednice posvećene javnim izjašnjenjima-saslušanjima revidiranih institucija i jedna sjednica na kojoj su razmatrani materijali ovih zaključaka).

Poštujući proceduru izrade izvještaja, Komisija je sačinila plan i program javnih saslušanja revidiranih institucija, odredila grupe izvještaja za javna saslušanja/izjašnjenja i izvjestioce za revidirane korisnike Budžeta FBiH, obavila razgovore i postavljala pitanja predstavnicima revidiranih institucija i predstavnicima Ureda za reviziju, te provela planom predviđenu proceduru u periodu od 5.10.2020. godine do 8.10.2020. godine.

Javnim izjašnjenjima/saslušanjima su se odazvali predstavnici svih pozvanih revidiranih institucija. Članovi Komisije su izrazili zadovoljstvo usljed činjenice da institucije tretiraju ovaj postupak značajnim, prisustvom rukovodilaca i službenika najvišeg ranga revidirane institucije.

Ukupno je objavljeno 25 izvještaja finansijske revizije za korisnike Budžeta FBiH (od kojih je 19 obaveznih revizija). Od 19 obaveznih izvještaja, četiri su imala „pozitivno mišljenje revizora“ o finansijskim izvještajima i o usklađenosti poslovanja sa propisima (Federalno ministarstvo unutrašnjih poslova, Federalno ministarstvo trgovine, Federalno ministarstvo razvoja, poduzetništva i obrta i Federalno ministarstvo raseljenih osoba i

izbjeglica). Deset izvještaja finansijske revizije (iz grupe od 19 obaveznih revizija) je dobilo „pozitivno mišljenje“ o finansijskim izvještajima i „mišljenje s rezervom“ o usklađenosti poslovanja sa propisima. Pet izvještaja je dobilo „mišljenje s rezervom“ i o finansijskim izvještajima i o usklađenosti poslovanja sa propisima. Nije bilo izraženih negativnih mišljenja za korisnike Budžeta FBiH za 2019. godinu.

Od ukupno šest objavljenih i pristiglih izvještaja revizije javnih preduzeća, zavoda i fondova za 2019. godinu jedan je imao „pozitivno mišljenje“ i o finansijskim izvještajima i o usklađenosti poslovanja s propisima (J.P. BH Pošte Sarajevo), dva su imala „pozitivno mišljenje“ o finansijskim izvještajima i „mišljenje sa rezervom“ o usklađenosti poslovanja sa propisima, jedan je imao mišljenje „sa rezervom“ i o finansijskim izvještajima i o usklađenosti sa poslovanjem, jedan je imao mišljenje „sa rezervom“ o finansijskim izvještajima a „ pozitivno“ o usklađenosti poslovanja sa propisima i jedan je imao „negativno mišljenje“ o finansijskim izvještajima i „sa rezervom“ o usklađenosti poslovanja sa propisima (Hidrogradnja d.d. Sarajevo).

Tokom provedbe procedure izrade konačnog izvještaja, Komisija je ostvarila saradnju sa uposlenicima Ureda za reviziju institucija u FBiH koji su prisustvovali sjednicama Komisije prema sastavu timova revizora zaduženih za određene izvještaje revizije.

II

Nakon provedenih aktivnosti javnih izjašnjenja/saslušanja, Komisija je na svojoj 6. sjednici usvojila izvještaje finansijske revizije za revidirane institucije, te u cilju eliminiranja uočenih nepravilnosti i unaprijeđenja rada korisnika Budžeta Federacije BiH, Komisija predlaže Parlamentu Federacije Bosne i Hercegovine da usvoji sljedeće:

ZAKLJUČKE

1. Usvaja se 19 Izvještaja o obavljenoj finansijskoj reviziji korisnika Budžeta FBiH za 2019. godinu i 6 Izvještaja o obavljenoj reviziji javnih preduzeća, zavoda i fondova za 2019. godinu.
2. Zadužuje se rukovodstvo subjekta nad kojim je vršena revizija za 2019. godinu koji su uz «pozitivno mišljenje revizora» ili uz «mišljenje s rezervom» imali dodatno istaknute predmete, odnosno skretanje pažnje, obuhvatajući mišljenja revizora o finansijskim izvještajima i mišljenja revizora o usklađenosti, da poduzmu sve potrebne mjere iz nadežnosti svakog subjekta zasebno nad kojim je vršena revizija za 2019. godinu, kako bi se izbjegle dalje posljedice identificiranih problema u poslovanju na koje je revizija skrenula pažnju pri isticanju predmeta, kao i da poduzmu mjere kojima će se preduprijeti da materijalnost takvih nalaza revizije eventualno ne preraste u kvalifikacije u narednim izvještajima revizije.
3. Zadužuje se Federalno ministarstvo finansija, kao i Vlada Federacije BiH u dijelu preporuka koje su izvan nadležnosti Federalnog ministarstva finansija, da u saradnji sa resornim ministarstvima, te drugim organima javne uprave koji se navode u